

Ilageeqarneq pillugu Inatsisartut inatsisaata allangortinneqarnera pillugu Inatsisartut inatsisaat (Palasinik, provstinik, domprovstinillu atorfinititsisarneq soraarsitsisarnerlu, palaseqarfiup atuagarsuinik suliassanik agguaassisinnaalerneq kiisalu atorfit pilersinneqartarnerat atorunnaarsinneqartarnerallu)

§ 1

Ilageeqarneq pillugu Inatsisartut inatsisaat nr. 9, 19. maj 2010-meersoq, Inatsisartut inatsisaat nr. 2, 29. november 2013-imeersumi aamma Inatsisartut inatsisaat nr. 27, 3. december 2018-meersukkut allangortinneqartumi, allanguutit makku ilanngunneqarput:

1. § 3-p kingornatigut ikkunneqassaaq:

” § 3 a. Palasit, provstit, domprovsti biskoppilu Naalakkersuisut atorfinitisillugillu soraarsittarpaat.

Imm. 2. Palasinik, provstinik domprovstimillu atorfinititsinernik soraarsitsinernillu biskoppi isumaginnittussanngortillugu Naalakkersuisut piginnaatissinnaavaat.”

2. § 7, imm. 3 atorunnaarpoq.

3. § 15, imm. 2, ima oqaasertalerneqassaaq:

” *Imm. 2.* Palaseqarfimmi palasi ataasiinnaatillugu, taassuma palasip atuagarsuarnut allattuineq isumagissavaa.”

4. § 15, imm. 4-tut nutaatut ikkunneqassaaq:

” *Imm. 4.* Palasip atuagarsuarnik allattuisup palaseqarfimmi suleqataasumut atorfeqartumut allamut, palaseqarfiup atuagarsuisa suliassartaannik suliarinnissinnaassuilimmu tunniussinnaavaa.”

Imm. 4 tamatuma kingorna imm. 5-ingussaaq.

5. § 24 ima oqaasertalerneqassaaq:

” § 24. Biskoppip palasinik, ajoqinik pattattunillu aamma palasip ikiortaanic ilinniartitseqqinnerit ingerlaqqillunilu ilinniartitsinerit isumagisassarai.

Imm. 2. Naalakkersuisut palasinik, ajoqinik pattattunillu aamma palasip ikiortaanik ilinniartitseqqinnerit ingerlaqqillunilu ilinniartitsinerit pillugit aalajangersakkanik aalajangersaasinnaapput.”

6. § 26 d ima oqaasertalerneqassaaq:

” § 26 d. Kinaluunniit Kalaallit Nunaanni Ilagiinni palasitut atorfnitsinneqartoq biskoppimit soraarummeersinneqarsimassaaq, ivertinneqarsimassaaq, Ilagiinnut palasitut neriorsuisimassaaq biskoppillu uppernarsaasigaanik palasitut sulisinnaanngortitaasimassalluni.”

§ 2

Inatsisartut inatsisaat ulloq 1. januar 2027 atuutsinneqalissaaq.

Kalaallit Nunaanni Namminersorlutik Oqartussat, ulloq 25. juuni 2026

Jens-Frederik Nielsen (atsior.)

Naalakkersuisut Siulittaasuat

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut